



KENYATAAN MEDIA

UNTUK SIARAN SEGERA

KEMPEN CABUTAN SIRI WOW! MERDEKA SIMPAN SSPN TERAP NILAI KEMERDEKAAN, TAWAR HADIAH LUMAYAN

1. Usaha Perbadanan Tabung Pendidikan Tinggi Nasional (PTPTN) dalam membudayakan penabungan adalah selari dengan tema hari Kebangsaan bagi tahun 2024 iaitu “Malaysia Madani : Jiwa Merdeka. Budaya penabungan bermula seawal usia yang pastinya akan membawa kepada merdeka jiwa dan minda akan lebih bermakna dengan Kempen Cabutan Siri WOW! Merdeka 2024. Penganjuran kempen ini adalah usaha dalam memupuk budaya menabung di kalangan ibu bapa di peringkat awal usia anak-anak bagi tujuan pendidikan tinggi sekali gus mengurangkan kebergantungan kepada pinjaman pendidikan. Apabila anak-anak dewasa kelak, mereka telah ‘merdeka’ daripada membuat pinjaman pendidikan untuk menyambung pengajian.
2. Melalui kempen ini, PTPTN menawarkan hadiah lumayan iaitu wang tunai keseluruhan berjumlah RM100,000 untuk 181 pemenang. Hadiah utama berjumlah RM10,000 untuk 1 pemenang dan hadiah saguhati berjumlah RM500 untuk setiap 180 pemenang. Kempen ini terbuka kepada semua pendeposit Simpan SSPN iaitu Simpan SSPN Prime dan Simpan SSPN Plus. Tempoh kempen bermula 1 Julai 2024 sehingga 31 Ogos 2024.
3. Untuk menyertai kempen ini, pendeposit hanya perlu membuka akaun atau membuat penambahan simpanan dalam tempoh kempen. Setiap simpanan bersih RM50 bagi Simpan SSPN Prime akan mendapat satu (1) cabutan, manakala bagi setiap simpanan bersih RM50 bagi Simpan SSPN Plus layak mendapat dua (2) cabutan secara automatik. Menariknya, kelebihan cabutan berganda juga diberikan kepada pengguna myPTPTN. Pendeposit Simpan SSPN Prime yang membuat simpanan bersih RM50 melalui myPTPTN atau melalui potongan gaji atau debit terus, akan mendapat lima (5) cabutan. Manakala pendeposit Simpan SSPN Plus yang membuat simpanan bersih RM50 melalui myPTPTN atau melalui potongan gaji atau debit terus pula akan mendapat sepuluh (10) cabutan.

4. Pengerusi PTPTN, Datuk Norliza Abdul Rahim berkata, “Semua masyarakat Malaysia hendaklah mengambil peluang menghayati erti sebenar sebuah kemerdekaan kerana kemerdekaan itu bukanlah sekadar berkisar tentang sejarah dan perjuangan semata-mata bahkan kebebasan dari hutang kewangan dan disiplin dalam membuat penabungan awal untuk pendidikan anak-anak juga adalah sebuah kemerdekaan,”
5. “Pendeposit bakal menikmati pelbagai keistimewaan dan manfaat menerusi Simpan SSPN selain berpeluang untuk memenangi hadiah yang lumayan sepanjang menyertai kempen ini. Simpan lebih, peluang menang pun lebih,” tambah beliau lagi.
6. Simpan SSPN merupakan satu-satunya produk simpanan yang menawarkan pelepasan taksiran cukai pendapatan ke atas simpanan bersih sehingga RM8,000 setahun, memberikan perlindungan takaful ke atas pendeposit, Geran Sepadan sehingga RM10,000 untuk satu keluarga yang layak, dividen yang kompetitif, simpanan yang dijamin Kerajaan dan patuh syariah.
7. Untuk rekod, sehingga 31 Mei 2024, deposit Simpan SSPN yang diterima adalah berjumlah RM18.4 bilion dengan akaun sebanyak 6.4 juta. Pembukaan akaun atau penambahan simpanan boleh dibuat secara dalam talian melalui aplikasi myPTPTN dengan lebih mudah, cepat dan selamat. Layarilah portal rasmi PTPTN di www.ptptn.gov.my untuk maklumat lanjut.

Perbadanan Tabung Pendidikan Tinggi Nasional (PTPTN)
5 Julai 2024